

Bilboko Berregokipenerako Hirigintza Elkartea S.A. SURBISAko presidentearen 2024.02.21eko erabakiaren laburpena, Linea Berdea programaren barruan, Bilboko bizitegi-eraikinetan neurri aktiboak eta energia berriztagarriak ezartzeko 2024rako dirulaguntzetarako deialdia egiten duena.

Diru-laguntzei buruzko 38/2006 Lege Orokorrak, azaroaren 17koak, 17.3 b eta 20.8 a artikuluetan aurreikusten duenarekin bat eginez, deialdiaren laburpena argitaratu da, eta horren testu osoa Diru Laguntzen Estatuko Datu Basean kontsulta daiteke: (<http://www.pap.minhap.gob.es/bdnstrans/index>). Hona hemen laburpena:

1.- Xedea.-

Deialdi honen xedea da Bilbo udalerrian bizitegi eraikin pribatuetan energia berriztagarrien erabilera sustatzea.

Zehazki, deialdi honen bidez jarduketa babesgarriak izango dira Lerro Berdearen Programaren 2.2 artikuluan aurreikusitakoak, hau da, Bilboko bizitegi eraikin pribatuetan energia berriztagarrien bitartez eraikinaren instalazio termikoak eta energetikoak hobetzeko esku-hartzeak, esaterako:

- Energia iturri berriztagarriak erabiltzeko instalazioak ordeztzea, hala nola, bero-ponpak edo beste batzuk.
- Beroa berreskuratze aireztatze mekanikoko estrategiak.
- Elektrizitatea ekoizteko eguzki-indarraren bilketarako sistemak instalatzea.
- Ur bero sanitarioa ekoizteko eguzki-indarra biltzeko sistemak instalatzea.

Hobekuntza hori jarduketaren aurreko eta osteko Energia Eragingarritasuneko Egiagtagiri batek ziurtatuko du, eta hobekuntza lortu dela nabarmendu beharko da bertan. Hobekuntzarik ekarriko ez balu, ezingo da laguntza hori eman.

2.- Onuradunak.

Deialdi honetako laguntzak Bilbo udalerriko jabetza pribatuko bizitegi eraikinen Jabekideen Elkarateek eskatu ahalko dituzte.

3.- Oinarri Arautzaileak.

Surbisako Administrazio Kontseiluak 2024ko otsailaren 6an eginiko saioan onetsitakoak dira eta 2024ko otsailaren 19ko Bizkaiko Aldizkari Ofizialean, nahiz Surbisaren web-orrian, argitaratuta daude.

4.- Aurrekontu kreditua.

Deialdi honen guztizko zenbatekoa 180.000,00 eurokoa da, 2024ko aurrekontuko 2024/23000/17220/7330200 partidaren kargura.

5.- Diruz lagundu beharreko jardueren denbora-eremua.-

Jarduera subentzionagarri guztietarako laguntzen eskaera jarduera amaituta dagoela aurkeztuko da.

Ezin izango dira laguntza hauetara bildu emandako obra-lizentziaren data edota aldez aurreko jakinarazpenaren aurkezpena 2023ko urtarrilaren 1a baino lehenagokoa bada. Lizentzia lortzea edo jakinarazpena aurkeztea beharrezkoa ez bada, jarduketan fakturek ezin izango dute 2023ko urtarrilaren 1a baino lehenagoko datarik izan.

Deialdi honetan aurreikusitako laguntza ekonomikoak eskuratzeko, obrek udal-lizentzia edo baimena eduki beharko dute, hala behar bada, edo Udalak jabeen orde zuzenean eginarazitako obrak izan beharko dira.

6. Zenbatekoak.

Dirulaguntzaren zenbatekoa aurrekontu babesgarriari % 50eko ehunekoa aplikatzean datza, 15.000 euroko gehienekoarekin (Lerro Berdeko Programaren 6.2 artikulua)

7.- Aurkezteko lekua.

Deialdi honi dagozkion dirulaguntza eskaerak aurrez aurre aurkeztu ahal izango dira Surbisako bulegoetan (Erronda kalea 6). Horretarako, hitzordua eskatu ahal izango da 94-415.99.55 telefonoaren bidez.

Eskabideak helbide elektroniko honetan ere aurkeztu ahal izango dira: surbisaverde@surb.bilbao.eus

8.- Eskariak eta aurkeztu beharreko dokumentazioa aurkezteko epea.

Eskabideak aurkezteko epea deialdiaren laburpena Bizkaiko Aldizkari Ofizialean argitaratu eta biharamunean hasiko da, eta 2024ko irailaren 30an amaituko da.

Urteko diru-izendapena agortu ondoren beste eskabide batzuk aurkeztu ahal izango dira, baina hurrengo ekitaldian ebatziko dira aurrekontuko diru-izendapen berriarik balego.

8.1.- Erantsi beharreko dokumentazioa:

Oinarri arautzaileetako "Linea berdea" programaren 7.1. artikuluan ezarritakoari jarraituz, "Eskabidea eta erantzukizunpeko adierazpena" inprimakiarekin batera, zeina Surbisako bulegoetan eta haren web-orrian emango baita, behar bezala beteta eta sinatuta, honako dokumentazio hau aurkeztuko da:

- 1.- Ordezkariek bere NANaren fotokopia, Jabekideen Elkartearen IFKren fotokopia eta ordezkaritza eman izana adierazten duen dokumentua aurkeztu beharko du.
- 2.- Emandako udal obra lizentziaren kopia. Lizentzia hori behar ez bada, dagokion aurretiazko jakinarazpena. Ez dira onartuko obrak egikaritu ostean lortutako edo aurkeztutako lizentziak edo Obraren Aurretiazko Jakinarazpenak edo Instalaziokoak.
- 3.- Jabekideen Elkartearen Akta, zeinetan burutzekoak diren obrak onesten direla adierazi eta onetsitako aurrekontuaren zenbatekoa jasotzen den.
- 4.- Esku-hartzean sartzen den/diren eraikinaren edo eraikinen Ikuskatze Teknikoaren txostena. Honek aurkeztu izanaren egiaztapen zigilua izango du jarrita. Baldin-eta EITan 1, 2 edo 3. graduako obrak eskatzen badira, aurrekoaz gain, Eraikinaren Ikuskatze Teknikoak Adierazitako Gabeziak Konpondu Izanaren Ziurtagiria aurkeztu beharko da, dagokion Erregistroan aurkeztu izana egiaztatzen duen zigilua duelarik.

5.- Obrak hala eskatzen badu, teknikari eskudunaren Proiektu oniritziduna eta amaierako ziurtapenaren kopia.

6.- Birgaitutako eraikinaren aldearen obrak hasi aurreko egoeraren eta obra amaierako egoeraren koloretako argazkiak.

7.- Eraikinak obra burutu aurretik zuen Energia Eragingarritasuneko Egiaztagiri sinatua, bai eta hobekuntza ostean eraikinak duen Energia Eragingarritasuneko Egiaztagiria, teknikari eskudunek igorria; azken hori Eusko Jaurlaritzaren organo eskudunean erregistratua egon beharko du, edo, horren ezean, erregistroa egiteko eskaria aurkeztu beharko da. Bi egiaztagiriek programa berbera erabiliz eginak izan beharko dute eta konparagarriak izango dira.

8.- Kontu-zenbakia eta horren titulartasuna justifikatzen duen dokumentua.

9.- Esku-hartze teknikoak egon baldin bada, obra amaierako ziurtagiria.

10.- Kostuen justifikazio dokumentala: Burututako esku-hartzearen faktura banakatua (banakatua ez badago aurrekontu xehatua eta faktura aurkeztuko dira), udal tasa eta zergena eta profesionalen ordainsariena, baldin baleude. Ez da zenbatekorik diruz lagunduko eskaerarekin batera horren faktura edo ziurtagiria erantsi ez bada eta ez da eskaria egin ostean aurkeztutako besterik onartuko.

9.- Emate-prozedura, honen epeak, esku-hartzen duten organoak, baliabideak eta kontuan hartu beharreko gainerako betekizunak Oinarri Arautzaileetan jasotakoak dira.

10.- Beste datu batzuk. Bateriaezintasunak

Oinarri arautzaileetako seigarren xedapen komunaren arabera, eta besteak beste, "ezingo dituzte Oinarri hauetan jasotako diru-laguntzak jaso Next Generation Funtsetako laguntzak (Next Generation Europar Funtsei buruzko 2022ko ekainaren 21eko Agindua) jasoak dituzten edo horretarako itzarote-zerrendan dauden jarduketek."

Bilbon, 2024ko otsailaren 21ean.

SURBISako presidentea Jon Bilbao Urquijo